



REPUBLIKA E SHQIPËRISË
KUVENDI

PROJEKTLIGJ

Nr. _____, datë _____. 2017

PËR

**DISA NDRYSHIME DHE SHTESA NË LIGJIN NR. 108/2014 “PËR
POLICINË E SHTETIT”, I NDRYSHUAR**

Në mbështetje të neneve 78 , 81, pika 1 dhe 83, pika 1 të Kushtetutës, me propozimin e një grupi deputetësh,

K U V E N D I

I REPUBLIKËS SË SHQIPËRISË

V E N D O S I:

Në ligjin nr. 108/2014 “Për Policinë e Shtetit”, të ndryshuar, bëhen këto shtesa dhe ndryshime:

Neni 1

Në nenin 2, hiqen fjalët “ruajtjen e personaliteteve të larta shtetërore dhe objekteve të rëndësisë së veçantë”.

Neni 2

1. Në nenin 6, bëhen shtesat dhe ndryshimet e mëposhtme:

a) pika 15, shfuqizohet;

b) pas pikës 29, shtohen pikat 30 dhe 31, me këtë përmbajtje:

“30. “Vërtetimi i besueshmërisë” është dokument i miratuar nga Drejtori i Përgjithshëm i Policisë së Shtetit, i cili pasqyron rezultatet e verifikimit të të dhënave të vetëdeklaruar në raport me ato të regjistrave fizikë dhe elektronikë të Policisë dhe institucioneve të tjera shtetërore, që lëshohet nga autoritetet vendore të

Policisë së Shtetit, për shtetasin/personin i cili pranohet apo rikthehet në Policinë e Shtetit.

31. “Policimi Vullnetar” është ofrimi vullnetar i shtetasve, në ndihmë të Policisë së Shtetit për ruajtjen e rendit, qetësisë publike, parandalimin e krimit dhe përballimin e situatave të emergjencave civile.

2.Kudo në ligj:

- a) fjalët “Drejtor i Policisë së Shtetit”, zëvendësohen me fjalët “Drejtor i Përgjithshëm i Policisë së Shtetit”;
- b) fjalët “Zëvendësdrejtor i Policisë së Shtetit”, zëvendësohen me fjalët “Zëvendësdrejtor i Përgjithshëm i Policisë së Shtetit”;
- c) fjalët “Drejtoria e Policisë së Shtetit”, zëvendësohen me fjalët “Drejtoria e Përgjithshme e Policisë së Shtetit”;
- d) fjalët “Akademi e Policisë”, zëvendësohen me fjalët “Akademi e Sigurisë”;
- e) fjalët “komision gradimi”, zëvendësohen me fjalët “komision vlerësimi”.

Neni 3

Pas nenit 10 shtohet neni 10/1 me këtë përmbajtje:

“Neni 10/1

Drejtori i Departamentit

1. Drejtori i Departamentit është autoritet i lartë, që drejton një Departament, i cili është strukturë organizative në përbërje të Drejtorisë së Përgjithshme të Policisë së Shtetit.

2. Drejtori i Departamentit përgjigjet para Drejtorit të Përgjithshëm të Policisë së Shtetit për veprimtarinë e Departamentit që drejton.

3. Përshkrimi i punës dhe përgjegjësitë e Drejtorit të Departamentit, miratohen nga Drejtori i Përgjithshëm i Policisë së Shtetit.

4. Numri i drejtorive të departamentit përcaktohet në varësi të strukturës organizative të Policisë së Shtetit e cila miratohet nga Ministri.

5. Emërimi, kriteret e emërimit, lirimi dhe shkarkimi nga detyra i Drejtorit të Departamentit janë të njëjta me ato të Zëvendësdrejtorit të Përgjithshëm të Policisë.

6. Drejtori i Departamentit qëndron në detyrë për një periudhë prej 4 vjetësh, me të drejtë riemërimi edhe për 4 vjet të tjera.”

Neni 4

Në nenin 13, bëhen këto ndryshime:

1. në pikën 1, në fund të fjalisë, shtohen fjalët “dhe i jep gradën “Drejtues madhor””;
2. në pikën 3, fjalët “për një mandat tjetër” zëvendësohen me fjalët “për 5 vjet të tjera”.

Neni 5

Në nenin 14, në pikën 2, fjalët “për një mandat tjetër” zëvendësohen me fjalët “për 4 vjet të tjera” .

Neni 6

Në nenin 16, bëhet shtesa dhe ndryshimi i mëposhtëm:

1. në pikën 1, pas germës “a”, shtohet germa “a/1”, me këtë përmbajtje: “a/1. humbet shtetësinë shqiptare”;
2. në pikën 3, fjala “vendim”, zëvendësohet me fjalën “urdhër”.

Neni 7

Në nenin 17, germa “h”, shfuqizohet.

Neni 8

Në nenin 19, pika 3, ndryshohet si më poshtë:

“3. Drejtoria e Përgjithshme e Policisë së Shtetit organizohet në struktura organizative hierarkike në nivel departamenti, drejtorie dhe sektori.”

Neni 9

Neni 22, shfuqizohet.

Neni 10

Në nenin 37, në pikën 2, pas fjalës “ofron” shtohet fjala “formim”.

Neni 11

Në nenin 38, bëhen këto shtesa dhe ndryshime:

1. Në pikën 2, pas germës “ë”, shtohet germa “f” me këtë përmbajtje: “f. Të jetë pajisur me vërtetimin e besueshmërisë.”

2. Pika 3, shfuqizohet.

Neni 12

Në nenin 40, në pikën 2, hiqet fjalia “Përrjashtohen nga ky rregull punonjësit e Byrosë Kombëtare të Hetimit, të cilët vijnë nga radhët e prokurorëve në detyrë”.

Neni 13

Në nenin 43, bëhen këto ndryshime:

1. Pika 2 ndryshohet, si më poshtë:

“2. Punonjësi i policisë gjatë periudhës 1 vjeçare të provës, nuk transferohet, me përjashtim të rasteve të veçanta të miratuara nga Drejtori i Përgjithshëm i Policisë së Shtetit.”

2. Në pikën 3, togfjalëshi “me gradën “Inspektor””, zëvendësohet me togfjalëshin “të rolit zbatues”.

Neni 14

Pas nenit 50, shtohet neni 50/1, me këtë përmbajtje:

“Neni 50/1

Hierarkia e menaxhimit policor

Gradat në Polici ndahen në role, sipas kompetencës së veprimit dhe nivelit të menaxhimit, si më poshtë:

- a) në rolin zbatues, ku përfshihen punonjësit e policisë që mbajnë gradën “Inspektor”, “Inspektor i dytë”, dhe “Inspektor i parë”, që përfaqësojnë nivelin bazë të veprimit policor;
- b) në rolin e parë drejtues, ku përfshihen punonjësit e policisë që mbajnë gradën “Nënkomisar”, “Komisar” dhe “Kryekomisar”, që përfaqësojnë nivelin taktik të drejtimit dhe veprimin teknik operacional;
- c) në rolin e mesëm drejtues, ku përfshihen punonjësit e policisë që mbajnë gradën “Drejtues” dhe “Drejtues i parë”, që përfaqësojnë nivelin e menaxhimit ekzekutiv qendror dhe/ose vendor;
- d) në rolin madhor, ku përfshihen punonjësit e policisë që mbajnë gradën “Drejtues i lartë” dhe “Drejtues madhor”, që përfaqësojnë nivelin e menaxhimit strategjik.”

Neni 15

Në pikën 1, të nenit 51, pas germës “a”, shtohen germat “a/1” dhe “a/2”, me këtë përmbajtje:

- “a/1) Inspektor i dytë;
- a/2) Inspektor i parë.”

Neni 16

Në nenin 53, bëhen këto ndryshime:

1. Titulli i nenit ndryshohet si më poshtë:

“Marrja e gradës.”

2. Pas pikës 1, shtohet pika 1/1, me këtë përmbajtje:

“1. Gradat “Inspektor i dytë” dhe “Inspektor i parë”, për punonjësit e policisë që plotësojnë afatin e qëndrimit në gradë, sipas përcaktimit të bërë në këtë ligj, jepen nga Drejtori i Përgjithshëm i Policisë së Shtetit mbi bazën e vjetërsisë në punë, trajnimeve dhe kualifikimeve.”

3. Pika 5, ndryshohet si më poshtë:

“5. Punonjësi i policisë që mban gradën “Drejtues i lartë”, pas përfundimit të afatit të qëndrimit në detyrë, merr gradën “Drejtues i Parë””.

Neni 17

Në nenin 55, bëhen këto ndryshime:

1. Në pikën 1, germat “ç” dhe “d”, shfuqizohen.

2. Nën-pika “i”, e germës “ë”, ndryshohet si më poshtë:

“i) nga “Inspektor” deri në “Inspektor i dytë”, 5 vjet;

i/1) nga “Inspektor i dytë” deri në “Inspektor i Parë”, 10 vjet.”.

i/2) Punonjësit të policisë në rolin zbatues, që ka vjetërsi shërbimi mbi 5 vjet, i lind e drejta për të konkuruar për fitimin e gradës “Nënkomisar”.”

Neni 18

Në pikën 2, të nenit 67, pas germës “ç”, shtohet germa “d”.

Neni 19

Në nenin 76, pas pikës 2, shtohet pika 3, me këtë përmbajtje:

“3. Për ruajtjen e rendit dhe qetësisë publike, parandalimin e krimit dhe përballimin e situatave të emergjencave civile, Policia e Shtetit në bashkëpunim me komunitetin organizon Policimin Vullnetar. Organizimi, funksionimi dhe fusha e veprimit të Policimit Vullnetar, rregullohen me vendim të Këshillit të Ministrave.”

Neni 20

Në pikën 3, të nenit 112, pas germës “b”, shtohet germa “c”, me këtë përmbajtje: “c) mostra për nxjerrjen e profilit të ADN-së”.

Neni 21

Në nenin 138, bëhen këto ndryshime:

1. Pika 2, shfuqizohet.
2. Në pikën 4, fjalët “pikat 1 dhe 2”, zëvendësohen me fjalët “pikën 1”.

Neni 22

Në nenin 142, “Trajtimi i punonjësve të policisë”, bëhen këto ndryshime:

1. Pika 5 ndryshohet si më poshtë:
“5. Punonjësi që është në periudhë prove, pavarësisht nga marrja e gradës “Inspektor”, periudha 1 vjeçare e provës i fillon nga momenti që ka përfunduar arsimin policor.”
2. Pika 7, shfuqizohet.

Neni 23

Dispozitë kalimtare

Afati i qëndrimit në detyrë për Drejtorin e Departamentit, fillon pas datës së hyrjes në fuqi të këtij ligji.

Neni 24

Nxjerrja dhe miratimi i akteve nënligjore

Ngarkohet Këshilli i Ministrave të nxjerrë aktet nënligjore në zbatim të nenit 19 pika 3 dhe nenit 20 të këtij ligji, brenda 6 muajve nga hyrja në fuqi e këtij ligji.

Neni 25
Hyrja në fuqi

1. Efektet financiare që rrjedhin nga zbatimi i këtij ligji, fillojnë nga data 1 Janar 2018 dhe përballohen nga Buxheti i Shtetit.
2. Ky ligj hyn në fuqi 15 ditë pas botimit në Fletoren Zyrtare

K R Y E T A R I

ILIR META